



MISSINGIUT

20. juni 2025

Silaannakkut angallassinermut ingerlatseqatigiiffiit aamma silaannakkut angallassissutini timmisartortartut killeqarfinnik nakkutilliinermut atatillugu pisissaaffii pillugit Kalaallit Nunaannut nalunaarut.

Udlændinge- og
Integrationsministeriet

Asyl og Visum
Slotsholmsgade 10
1216 København K

Tel. 6198 4000
Mail uim@uim.dk
Web www.uim.dk

Nunami allamiut pillugit inatsisip Kalaallit Nunaannut atortuulernera pillugu peqqussummi nr. 150-imi, 23. februar 2001-imeersumi, peqqussummik nalunaarut nr. 184, 14. februar 2025-imeersoq malillugu peqqussutikkut nr. 759-ikkut, 12. juni 2023-imeersukkut allangortinneqartumi § 385, imm. 4, aamma § 60, imm. 2 malillugit, aamma Naalakkersuisut isumaqatigiinniarfigereernerisa kingorna, aalajangersarneqassaaq:

*Silaannakkut angallassinermut ingerlatseqatigiiffiit aamma
silaannakkut angallassissutini timmisartortartut pisussaaffii*

§ 1. Timmisartuni timmisartortartut, nunamit Schengen-imi isumaqatigiisummik ilanngussimanngitsumit tikittut imaluunniit nunamut Schengen-imi isumaqatigiisummik ilanngussimanngitsumut aallartut,ulliuttut nakkutigissavaat,

- 1) inuttat aamma ilaasoqarpat ilaasut, imm. 2-miit 4 ilanngullugu malillugit nunamut tassunga isernermut nakkutilliinerup pinissaanut timmisartumiiginnarnissaat, aamma
- 2) imm. 2-miit 4 ilanngullugu malillugit inuttat aamma ilaasoqarpat ilaasut aallarnissamut nakkutilliivigineqarnerat pisinnagu, silaannakkut angallassissutip aallannginnissaa.

Imm. 2. Imm. 1 malillugu, silaannakkut angallassissutit, aalajangersimasumik aaqquuuteriikkamik angallaveqarlutik Kalaallit Nunaanni mittarfinnut ilaasunik nassataqartartut, taakkunani

aalajangersimasumik politiinit sullissisoqarani, Kalaallit Nunaanni Namminersorlutik Oqartussat isumaqatigiinniarfigereerlugit udlændinge-aamma integrationsministerimit atulersinneqartumik minnissamut akuersisummik peqassapput. Inuttat aamma ilaasut pillugit nalunaaruteqartarnissaq kiisalu Kalaallit Nunaanni isernermi- aamma aallarnermi nakkutilliinernut atatillugu piumasaqaatit, minnissamut akuersisummut atatillugu piumasaqaatigineqartut allat aalajangersarneqartut, silaannakkut angallassissutini timmisartortartut eqqortissavaat.

Imm. 3. Imm. 1 malillugu silaannakkut angallassissutini timmisartortartut, aalajangersimasumik aaqqissuuteriigaanngitsumik angallaveqarlutik Kalaallit Nunaanni mittarfinnut tikittartut imaluunniit mittarfinnit aallartartut, tikinnginnerminni imaluunniit aallannginnerminni, silaannakkut angallassissutip tikinnissaanut-imaluunniit aallarnissaanut piffissaq aamma isernermut- aamma aallarnermut nakkutilliinermut atugassamik, politiit ilaasut pillugit paasissutissanik katersiviannut Danmarkimiittumut paasissutissat ingerlateqqinnissaat siunertaralugu, inuttat ilaasullu amerlassusaat pillugit mittarfimmud nalunaaruteqassapput.

Imm. 4. Imm. 1 malillugu silaannakkut angallassissutini namminersortunit pigineqartuni timmisartortartut, nunat tamat akornanni inuit sakkutuujunngitsut pillugit silaannakkut angallassineq pillugu isumaqatigiisummut ilanngussaq 2-mut naapertuuttumik, aallannginnermi silaannakkut angallassinissamut pilersaarut kiisalu ilaasut kikkuuneri pillugit paasissutissat, isernermut- aamma aallarnermut nakkutilliinermut atugassat, politiit ilaasut pillugit paasissutissanik katersiviannut Danmarkimiittumut nalunaarutigissavaat.

Imm. 5. Ilaasut inuttallu atii tamakkiisut, ullut inuuffii, suaassusaat, naalagaaffimmit suminngaanneernerat, angalanerminni kinaassutsimut uppernarsaataat (suussusaa, normua, oqartussaasut atulersitsisut aamma ulloq atorunnaarfissaa), Kalaallit Nunaanni killeqarfiup ikaarfiusussap sumiiffia, silaannakkut angallassissutip angallassisinnaanerninut kodea aamma Kalaallit Nunaanit aallarnissaq- aamma Kalaallit Nunaannut tikinnissaq pillugit piffissaq kiisalu ilaasut aallaqqaataani angallassissummut ikiffiata sumiiffia, angalanermi aqquutit aamma inniminniinnerminni kodeat, politiit ilaasut pillugit paasissutissanik katersiviannut Danmarkimiittumut, silaannakkut angallassissutip Kalaallit Nunaannut tikinnissaa sioqqullugu, silaannakkut angallassinermut ingerlatseqatigiiffiit nalunaarutigissavaat. Paasissutissat

elektroniskiusumik imaluunniit periaaseq Rigspolitiinit aalajangerneqartoq atorlugu tunniunneqassapput. Paasissutissat inunnut ataasiakkanut atassuserneqarsinnaasut, paasissutissat taakku politiit allanik suliaqarnerannut atatillugu kingusinnerusukkut pisariaqartinneqalissanngippata, ilaasut Kalaallit Nunaannut isernerisa kingusinnerpaamik nalunaaquttap akunneri 24-it kingorna, politiit ilaasut pillugit paasissutissanik katersiviata Danmarkimiittup nungutissavai.

Pineqaatissiissutit

§ 2. Inuk, § 1-imik unioqquitsisoq, akiliisitsisummik imaluunniit Kalaallit Nunaanni pinerluttulerinermi inatsit malillugu pineqaatissiissutinik eqqartuunneqassaaq.

Imm. 2. Ingerlatseqatigiiffiit il.il. (inatsisitigut pisinnaatitaasut pisussaataasullu) Kalaallit Nunaanni pinerluttulerinermi inatsimmi kapitali 5-imi malittarisassat malillugit pinerluttulerineq pillugu inatsiseqartitsineq malillugu akisussaatinneqarsinnaapput.

Atuutilerfissaa il.il.

§ 3. Nalunaarut ulloq [...] 2025 atuutilissaaq.

Kaare Dybvad Bek

/

Brit Gotthard Jensen